

Visoki predstavnik odao počast žrtvama masakra u Srebrenici

Visoki predstavnik, Wolfgang Petritsch, prisustvovao je danas ceremoniji odavanja počasti žrtvama srebrenickog masakra iz 1995. godine u Potocarima. Tom su događaju prisustvovala hiljade članova porodica i prijatelji žrtava masakra, građanski i politički lideri iz Bosne i Hercegovine, kao i predstavnici međunarodne zajednice. Tom je prilikom otkriveno kamen-obilježje na lokaciji u Potocarima koju je visoki predstavnik odredio za podizanje spomen obilježja i mezarja žrtava srebrenickog masakra iz 1995. godine. Visoki predstavnik kao i svo njegovo osoblje, izrazili su svoje najiskrenije suosjećanje sa svima onima koji su izgubili svoje bliznje u tom gnusnom zločinu.

Njihova neizmjerena patnja biće zapisana u historijskim knjigama kao jedna od najmracnijih stranica historije čovječanstva. Pored brojke od 7.412 nestalih kako stoji u zvaničnim podacima MKCK-a ima još desetina hiljada ljudi koji su izgubili svoje bliznje, koji će i dalje osjećati bol zbog svog gubitka nakon zla koje je počinjeno u Srebrenici i koji još uvijek traže da pravda bude zadovoljena. Spomen obilježje u Potocarima neće dozvoliti da se taj užasni zločin ikada zaboravi.

Obilježavanje godišnjice toga događaja ističe činjenicu da su pravda i pomirenje od ključnog značaja za oporavak Bosne i Hercegovine u poslijeratnom periodu. Vlasti u svim dijelovima zemlje moraju pokazati neophodnu političku volju kako bi se pronašli i uhapsili počinitelji kako ovog tako i ostalih zločina, tako da zločinci neće više moći siriti nepovjerenje i cinizam u zemlji time što besramno izbjegavaju izaci pred lice

pravde. Visoki predstavnik izrazava nadu da će planirano spomen obilježje biti putokaz svima onima koji se toga dana sjećaju kroz samo dvije riječi nikada više.

“Sramno je to što su nakon punih šest godina neki od glavnih počinilaca ratnih zlocina u Bosni i Hercegovini još uvijek na slobodi”, rekao je Visoki predstavnik. Još jednom je pozvao vlasti Republike Srpske da izvrše hitna hapsenja i da predaju Hagu sve one koji su optuženi za ratne zločine, a koji žive na području Republike Srpske, prije svega Radovana Karadžića i Ratka Mladića.

Najkonkretniji vid pravde za žrtve iz Srebrenice bi bio povratak Bosnjaka porodica žrtava u njihove domove u tom području. Ove godine postaje sve jasnije da povratak više nije iluzija. On se desava. Visoki predstavnik želi uvjeriti sve povratnike da će uraditi sve što je u njegovoj moći kako bi osigurao da sve više i više predratnih stanovnika Srebrenice budu u mogućnosti da si da se vrate u svoje domove i da ponovo žive normalan život. Princip povratka je u samom srcu Daytonskog mirovnog sporazuma i on je preduslov za integraciju tolerantne i multikulturne Bosne i Hercegovine u Evropu.